

名譽主編・季羨林

# 中國少數民族古籍集成（漢文版）

四川民族出版社

名譽主編・季羨林

主編・徐麗華

# 中國少數民族古籍集成 (漢文版)

《第八十七冊》

四川民族出版社

國家民委『十五』重點文化項目



# 本冊目錄

滇輶紀程

〇〇一

白國因由

〇二一

古滇土人風俗圖志

〇三七

雲南志略

〇六八

防浦紀略

〇七三

滇中瑣記

二八八

滇事總錄

三二六

全邊略記·蜀滇黔略

三六〇

滇粹

三八三

滇游雜咏

四三一

滇釋紀

四六二

普思沿邊志略

五一四

滇繹

五四二

滇輶紀程

五九九

入滇紀行

六一〇

滇語備忘錄

六三八

滇考

六五〇

國家民委「十五」重點文化項目

雲南志

〇六八

古鄯土人風俗圖志

〇三十一

白圖因由

〇二二

夷語彙編

〇〇一

本冊目錄

(清)花沙納 撰

# 滇輶紀程

序

雲南一省自古為西南夷所居而文教之興則元封司馬相如創其始在明為沐昭靖所守而科舉之興則萬歷顧公憲成開其先良以斯地上接吐蕃下際交趾右通緬甸左擁烏蠻變遷靡定之所擇寄出之鄉本在天涯是為荒僻此所以不惟都秦都洛皆視洱海為異途即教居楚居吳亦望於雲而節步也松岑少宰龍翔天入當庶子之春華正三十之曰壯乙未次歲賢能上書

帝慎使臣公先受

詔當是時也玉節風動使星雲流拜

命有言虎拜稱有古太史之採風采邑今之負弩豈不足以榮照詞林監生士類特是淫雨當時火雲如繖日在六月之首圖

滇輶紀程文筆雅雋遠過范石湖縣志錄及陸

放翁入蜀記敢請

付梓且可傳世行遠

弱序一篇祈

改訂之惟紀程內各失宜須易明

後字

尤佳想

大雅必必為佳耳

菊手白

開萬里而遙多思孤矢氣阻室家惡深念渚水以依徊向雲烟而掩抑然而不敢謹者不可無奉命不滯前者不可言遠圖以彼俠門生長弱冠甲科被命一朝來傳百驛或放或逸往往而然今受其所著滇輶紀程一編讀之棧石星飯結荷水宿赤日蔽野此身履冰源夫解渚席渡濟范臨大陸望太行叙龍虎之戰步武餘分辨山水之來古今不爽此一時也鎮宿豐樂湖詞賦之可憐橋越河陽乃忠勇之堪慕鴻溝一割白水再興并集當前能無遙想此一時也過江之南閩漢之廣周迴首顧仰荆門不必如屈子之志自湘蘭沅芷而含情不必如武陵之行自流水桃花而入夢玉溪歌古二首書仙已極飛雲之遊何來觀瀑之賞此又一時也然此皆其大略實至於騁者壯皇者者華抑性雪來詞風意雅

中國少數民族古籍集成（漢文版）

漢以後西南各民族·雲南

〇〇二

薄繪感能盡變幻之形，莫窮風雲直合起滅之狀，荷香荷翠，撲衣袂，水容波色，映眉眉，藍與穿林綠，烟丹，於屋出竹碧，浪魚，此尤非東賦有固氣體脫俗澄澹，浣雪妙語，裁花固難，造斯景也，此碎難語斯境也，充其清明自是，智沃之器，極其鎮定，允且股肱之材，若夫利金，龍持玉尺，孔雀香象見而不遺，金馬，瑞難得，即為寶，又不待言，已以慈以暇，斯人斯言，奉命達，固斷推公等還。

朝稱

旨祭酒升銜不及十年，自躋卿貳，昨昔潘星，齊宮庶典，試自漢亦，遺詩丹子，極愛其心，清水石結，帶烟霞，今見此篇，可稱二妙，惟宮庶世傳鼎鼎一品，定絕夫家聲，必字代為子城五等，不負乎。

國父<sup>望</sup>國詞章東林黨學豈肯為二公進乎，模山範水，我甚服，廊道元之傳書，登仙驂鸞人耳，摘范石湖之著錄，讀續漢，紫白認，兩征識者自知不煩贅述，道光歲次戊申六月六日，懷寧方鈞拜叙於馬蘭即署。

道光拾伍年乙未陸月初二日，臣花沙納奉

命偕編修朱其鎮<sup>號九山浙江嘉興人</sup>已丑進士典雲南鄉試，次日具摺謝

恩蒙

名對訊諭周詳實深欽感，有恭紀詩二首

拾壹日辰刻起程四十里盧溝橋尖北有張華宅橋建

於金代水即永定河又名渾河以色黑故名盧三十里宿良鄉縣而表弟送行同宿次日分手 憶癸巳

年家兄奉

命西藏照料念經子曾送行至此去歲甲午家兄自西藏回

京予又迎於此今年予又住此而三次皆以六月駒

光轉瞬為之慨然

拾貳日賓店尖過琉璃河金史謂之劉李河即古聖水

也三十里過涑水即巨馬河宿涿州公館州以涿水

得名古涿鹿魏范陽也地有獨鹿山鹿鳴澤漢昭烈

廟棲桑村即漢昭烈故居鄭亭在棲桑村南道元故

居也華陽臺燕丹與樊將軍飲處盧植墓亦在是地

兩日皆晴爽不甚熱

拾叁日郊初起身過張桓侯故里，有碣題張桓侯古井

又有祠丹麓尚新三十里至松羅店十五里高碑店

尖過兩飯後行仍小雨二十五里宿定興縣城內公

館漱盥廳址頗垣容膝而已幸到時緣交未刻聞有

百樓城唐太宗征遼時築在縣治又有張孔範墓定

與本隋范陽地全改今名

拾肆日早發十里渡白河古督无水也此水以南為地趙水經注督无又南謂之白溝水或曰即易水也過河到北河地在河南而名北河者或白河之誤也稍西三里許地名東引村有楊椒山墓萬歷三年孫尚書至揚立碑子孫皆在容城又南岸有椒山祠明天啓中張中丞鳳翔因巡檢舊署為之

國朝嘉慶壬戌鉅山縣熊謙山總督直隸為之立碑三十里故城舖尖又三十里宿安肅縣是日遇冉興之子銀官詢之在此四年矣相見殊有故人之意拾伍日夜雨如注辰刻雨止始行十里涉小黑水河十

五里過漕河保定陸費太守球遣人來接慈航寺前茶尖寺為方恪敏公觀承所建方微時流寓寺中及總督直隸遂崇飾之二十五里抵保定府清苑縣直隸之省會也戰國屬趙秦為上谷鉅鹿隋曰清苑五代晉割屬契丹曰泰州宋曰保州趙氏世藉清苑僖順翼三祖陵皆在縣東境建隆初置保塞軍為防邊要地易州既沒於是廣植樹木以限契丹童貫伐之而敵騎南下矣地居衝要拱衛神京縣以水得名有清苑河在城西里許一名沉水源出難距泉甚小東至黃狗家與順水合玉鐵岩送小茅脩脩四匝火腿一支茶葉二瓶即託寄雲字一號家信前數日此

處山水大發漕河水漲大路此時尚泥濘閔卽抄廣東主考趙德濟辰何桂馨廣西汪鳴相賈臻辰福建李煜金應麟是日陸費太守送席晚與九山前輩小酌

拾陸日早發清苑四十五里徑陽朔早尖換車馬地屬滿城縣距縣尚三十里今新城縣丞朱瑞金預備早辰驛有碑係嘉靖四年置因苦此站太遠故置此驛換馬十五里到方順橋濡水所經也一名順水又名祁水發源完縣於曲逆城北曲而西流故曰曲逆左傳齊國夏伐晉取逆時即此漢陳平封曲逆侯今平墓在完縣一云濡水源出易州窮獨山一名聖女水漢章

帝改曰蒲陰後人改曰方順蓋曲逆之反也三十里宿望都縣城東南隅有堯母廟內大塚即堯母陵古木蔚然深秀堯母號慶都故縣以名焉漢名望都金名慶都乾隆十一年十月

駕幸五臺山迴鑾駐此復漢名又有柳宿城漢宣帝母王夫人入朝與父母別此

拾柒日早起入望都東門謁堯母廟殿門三層正殿塑堯母像有

御題額曰中天啓聖後有大旱即慶都氏陵陵前古井有亭翼然廟旁有康衢書院三十里清風店茶尖二十里渡唐河即冠水也源出山西靈邱縣十里定州尖定

州古中山國後燕慕容垂都此隋為博陵郡唐定州

寄雲字二號家信

宋置定武軍有韓魏公遺蹟西門內有土阜或云中

拾玖日雨止辰刻行十里渡滹沱河十里鋪尖八十里至樂城縣宿本春秋時樂武子封邑今尚有墓在城

山以此得名又有中山靖王墓西有倒馬關為內三關之一禹之固城東坡之雪浪石不知何處俱付之

外署縣令喻元升郊迎又親來拜詢之雲南人已卯孝廉丙戌大挑至此自出都以來唯正定住大公館頗有體制至此縣尹迎接以前皆落落也

想像而已二十五里明月店娘娘廟小憩廟為東嶽

碧霞元君行宮有萬歷元年碑嘉靖年碑乾隆七年二十日早行四十里趙州尖漢鉅鹿地六代唐為趙郡

嘉慶六年重修並非舊制至今剝蝕風雨中殘僧兩

州倚太行而帶衡漳東達隆平鉅鹿寧晉一帶即古大陸之野也城內白林寺聞有吳道子畫水是日由城外行至大石橋尖朝野貪戴趙之石橋望之如新月

為其女作樓閣于西樂里故今記為新樂北門外有

伏義墓從滹水恒山而戾止拾捌日早行過沙河四十五里伏城驛尖本伏義氏生

邑有伏義城故名四十五里宿正定府偕九山前輩

非也然橋南題曰古橋仙跡豈傳訛盡誤乎憶甲申歲予自蜀還京與家芑卿兄過此曾讀橋旁古碑係昔有道人築此橋經營神速遂疑為仙云四十里古

游隆興寺觀大悲像像高七丈三尺樓三層高十一

大各天香閣

聖祖御書調御大夫匾額像造於隋開皇中恒州刺史鄂國

公金城王孝僊立石歷宋元明皆加修葺康熙乾隆

嘉慶年間俱增脩寺內碑甚多有一小碑係釋△△

記當日鑄此銅像時某人姓名及製造之法並殿材

來歷甚詳惜未能細記登覽畢始到公館正定城周

遭四十里本總督省垣乾隆間總督移至保定府此

地遂蕭索矣古鮮虞地漢為恒山郡避文帝諱改常

山唐曰鎮州城內有牌坊題古常山郡夜雨通夕

俗呼沙河流出元氏縣東至臨城境與源出贊皇山

之沙水會南流迳唐山任縣境入內邱又東入於滹

地五里任村五里過泚水四處遣人掘水夫始得涉

俗呼沙河流出元氏縣東至臨城境與源出贊皇山

之沙水會南流迳唐山任縣境入內邱又東入於滹

地五里任村五里過泚水四處遣人掘水夫始得涉

俗呼沙河流出元氏縣東至臨城境與源出贊皇山

之沙水會南流迳唐山任縣境入內邱又東入於滹

山唐曰鎮州城內有牌坊題古常山郡夜雨通夕

俗呼沙河流出元氏縣東至臨城境與源出贊皇山

山海經敦輿山泚水出其陰東注於彭水彭即沙也一名沙水三十里內邱縣尖有孔子遇程子傾蓋處馮唐故里四十里白塔村二十里宿順德府邢臺縣祖乙遷邢即此齊桓公遷邢於夷儀在西北山上秦為鉅鹿郡項羽大破秦軍虜王離於此後以封張耳改為襄國後趙石勒據之唐曰邢州元改今稱北據恒山西憑上黨南臨相衛東俯三齊振裘挈領四顧稱雄張賓有言襄國依山憑險形勝之國也李綱亦云邢與定州地大力豐如太行之兩翼天晴微熱宿處亦高大清涼城內有豫讓橋國士祠

二十二日寅刻行三十里沙河縣一望平沙彌渺野水

縱橫窮苦之極苦

聖祖西巡經此閱其荒瘠

諭令永免驛差馬北有梅花亭宋璟祠墓顏平原書碑渡沙

河即渴水源出遼州入洛河三十五里渡洛河深逼馬腹水夫八名舁輜而渡一路小河皆如此大河則用船按洛水亦出遼州太行山東流入漳唐太宗敗劉黑闥二萬兵入洛即此水至臨洛關早尖永年縣預備有小城駐通判一員漢易陽縣治唐置臨洛縣冉伯牛故里有祠二十五里黃梁夢有呂仙祠偕九山前輩同遊廟內八角亭在池中央頗幽勝殿三層前雲房中呂祖後盧生壁間題詠甚多小憩水亭始

食西水十里界河鋪十里宿邯鄲縣一路來多泥水詢之落雨十餘日今始晴云縣有蘭相如樂毅墓北門外有學步橋所謂邯鄲步也又有蒙臺趙武靈王築

二十三日自邯鄲二十里臺城鋪相傳古趙王城岡路崎嶇十里車騎闊五里杜村店漢杜喬故里出村一望稻田萬頃夾道柳樹之外渠中藻荇蒹葭菱荷芡芡濃香活翠撲行人衣袂間真可愛也二十里至磁州尖磁州舊屬彰德雍正四年改歸直隸廣平府以州有滏水州民存畛域之見閉閘築壩需水網利怡賢親王興修水利因而奏改也滏出神農山流注邯

鄲入永年曲周雞澤等縣溉田無數至今宛有江南風景三十里渡漳河入河南界漳受太行山水一雨即漲數日前甚洶湧此時水退亂流渡半里許宿豐樂鎮疑塚在馬銅雀臺址今在漳北岸遠望惟土阜而已豐樂有西門豹祠墓

二十四日四十里彰德府安陽縣尖古相何豐甲所居戰國為魏鄴地後屬趙始皇十六年桓騎攻趙取鄴安陽是也城外有韓魏公畫錦堂至今後裔尚在又崔府君牌坊不知何時人俟考城北五里安陽橋過洹水源出長子縣東流入衛項羽與章邯盟此水上七里岡古韓陵舊有溫子昇碑徐陵謂韓陵一片石

即此二十里魏家營操屯兵處十五里愁思岡曹子建嘗登此懸吟石晉末少帝為契丹所執至此飲酒入湯陰縣界古蕩縣隋改湯有湯水因名焉文王羨里城又文王演易處俱有碑坊地名羨河鋪羨水出縣西鶴山下過堯君素祠君素隋將守城死唐贈勅有云祭犬吠竟有垂倒戈之志疾風動草寔未歲寒之心坊聯以稽侍中岳忠武為北顧切北即河陽橋唐開元二年史思明援安慶緒之師於鄴九節度師潰而南郭子儀斷河陽橋即此旁有碑題古河陽寺入城湯陰岳王廟茶尖奉祀生名開圖二十三世孫送子墨刻碑跡具言

水石橋太卑水過急雨大則漫橋過又不能行桂楫松舟亦無竹想漢武伐竹塞河之後靡有孑遺矣高家集尖又有小城題曰古大賚三十里淇縣尖淇本沫邑盤庚遷此為殷都紂時號朝歌城內有鹿臺鉅橋康叔祠三仁祠涉王莽河十里頓坊店詩選子涉淇至于頓邱即此二十里黃土岡比于墓有祠在西山麓所謂左林右泉後岡前道者也五里太公祠後有墓衛河自碯溪流經城北而東太公汲人也故墓此五里衛輝府汲縣明潞王封國在此今有潞王臺遺址甚高峻土人云潞王築以望親者本三層今折其二層下即潞王府又西有君子鄉即伯玉故里府東北有故邙城

純皇帝東巡泰經此而拜群臣或言君不拜臣

上曰吾所拜者忠臣爾等果忠朕亦拜之遂肅拜並賜詩定

岳氏子孫世代排行十六字即今重關等字是也出

南門五里光村鋪石坊曰晉侍中忠穆穆公祠即紹

血滅帝衣帝令勿洗者也七里石碑岡岡頭扁鵲碑

甚豐隆古質其祠墓在岡東十餘里十三里宜溝驛

宿子貢故里過岡即遇雨今日所過石橋山溪等處

皆西門豹所開萬金渠引漳河以為蓄洩灌田至今

利益無窮矣託鄧太守寄三歸信內有九山信

二十五日夜雨通夕行潦載塗不能行住一日

二十六日早行十里黃家溝十五里太程店五里過淇

二十七日日出衛輝南門見衛河有船運糧河發源輝縣蕪門山南流迤縣城東北趨汲境東為淇門口通清至山東之臨清州由天津入海俗呼運糧河新鄉縣尖冒雨行新鄉古鄆國避雨山西會館寺僧舍天求書扇二十里宿獲嘉縣之亢村駟駒前有豐碑大行書仿佛夏言題俟能搨之更妙驛距縣三十里獲嘉本修武地春秋時寧邑漢為汲郡中鄉武帝東巡適南越破獲其相呂嘉首因以名縣

二十八日五十里章店尖在黃河堤上野店無預備自令殺雞供早餐飯畢循堤二十里渡黃河溜甚急曲

折牽挽始達南岸幸無風約行有十五里上岸依廣武山巖行石榴棗林中二十里住榮澤縣關外之草墩堡聞渡黃河者向從岡李渡在廣武山之東今水大不可渡又西為孟津渡係赴秦路亦有阻風八九日者今予渡黃甚順無風浪河伯有靈因憫萬里之人不可一日阻也禹貢沈入河溢榮澤漢時猶存舊蹟謂之鴻溝自榮以西為漢自榮以東為楚王莽時旱涸後遂為平地今則細流矣岡李驛河陰縣地乾隆甲申裁歸榮澤今兩縣地不過方徑五十里廣武山當黃河南面如翠屏山腹人家種果樹為業石極多大者似榆柳小者如草棘滿山遍隴紅青可愛筠輿

行林中大是可觀廣武當楚漢戰爭之地即阮籍興嘆之處

二十九日行六里涉十里河因候水夫停四刻水深三尺許九里岳家岡通水通舟楫運糧可抵湖北之樊城舟皆兩截連屬轉處分之或即榮澤水也十里郭寨五里興隆店十五里鄭州尖古祝融氏之墟周封管叔於此今有管城驛左傳晉師救鄭楚子次於管以待之今城東六里有郊城即荀林父敗處戰國韓滅鄭嘗徙都焉飯後行涉甫水源即鴻溝一名渠水十里盧河塘八里沙河塘二十里迎經舖有碑曰裴晉公墓墓在古僕射陂十五里住郭店新鄭縣地

三十日晨行四十里新鄭縣尖縣有熊氏之墟黃帝所出城渡漆洧有船上岸數百步過廣惠橋有碑題子產乘輿濟人處今橋下旱涸無水今昔情形不同也三十里過澗水源出少室東流入潁二十里尚友堡呂蒙正墓十里宿長葛縣之石固鎮自榮澤至石固兩日所行皆高坡深谷頗費陟降之力今自新鄭來六十里如八十里再過此當早行急行也西望鞏洛諸山在指顧昔人云西北可見嵩山或即在此山中歟

閏六月朔夜大雨辰刻始息已刻行泥濘中二十里興源舖乘馬二十五里過潁谷有大隧故蹟五里渡潁水至潁橋尖屬襄城縣春秋時潁考叔為潁谷封人即此有潁濱書院申刻始行十里延陵汎十里林水鋪有碑曰吳季札掛劍處十五里漢司隸校尉李膺墓以後日落與夫告瘁頗覺跋涉之苦幸襄城署縣尹王公錫朋宇耐菴永平舉人郊迎道左遣火把與夫來接始抵公館館在城內本預備南關店中因午後潁水大發漲八尺昏夜不敢涉河赴店遂移住城內王令尹親來慰勞周旋竭情盡禮賢令也僕深感之襄城隸許州春秋鄭汜邑後屬楚為西不羹靈王大城陳蔡不羹是也莊子載黃帝登具茨山訪大騄命駕于襄之野七聖皆迷有七聖迷踪處則襄之名已

久不因周襄王出鄭居汜而後名也到館已亥刻也

初二日晨行出南門繞西門過渡王令尹親送至河干

至登岸乃回洛水原出魯山縣經汝郛裕葉之境至

此始通舟楫凡行千三百里至安嶽與潁俱入於淮

向有橋因水大遂漫溢五里黃帝問道橋十里望山

鋪孔子自楚之宋處襄城遠望山勢頗峻客行兩山

缺處不覺登陟之疲及過山口回望覺峰巒峭崿形

勢謹嚴為豫荆之局鎮山北地高山南地卑故回望

妙也十五里辛店辛毗故里過遵化店題曰文王化

行南國因以遵化為名汝墳橋少憩小店中即渡汝

水出魯山縣之堯山東南流入縣境東與滎會而

入汝也本與汝水同出而復會故又稱汝潁爾雅汝

出為潁是已俗名沙河又有碑曰曹江朝日楚人與

晉師夾泝水而軍泝即泝也光武破尋邑兵於昆陽

泝水盛溢士卒溺死泝水為之不流即此水過子路

問津處十五里葉縣尖古飛鳧地王喬墓尚存自舊

葉公縣治移此三十里宿舊縣即沈諸梁故地先渡

醴河紫山澧水

初三日二十里魏岡塘十里保安驛尖屬葉縣所過山

溪無數十里涉龍泉水水從裕州西龍泉山來可淬

劍故龍泉之劍為楚寶也五里獨樹村十五里扳倒

井光武廟茶尖癸巳年重修中供光武兩壁畫雲臺

二十八將旁有小園竹樹池亭頗具幽致中有玉照

堂前鑿方池引井水注之紫荆盛開凌霄花蟠柏樹

上紅艷奪目坐片時壁間有林少穆前輩題七古詩

一首甚雄志行楷亦妙道人驛中亭十五里招撫岡

光武建武二年堵陽人董訢反宛城堅鐔攻拔之前

走還堵陽明年帝自將至堵陽訢降此其屯兵納降

處故岡以招撫名十五里宿裕州今日所行皆山坡

溪潁石子難行若雨中至此甚于井陘也裕州楚之

方城漢堵陽地朱祐封邑黃山滿水

初四日早行十八里廓封鎮十八里渡趙河趙河鋪茶

尖裕州界有公館趙河即堵水或云召信臣所修召

渠宋唐州守趙尚寬脩復之溉田甚多人因謂之趙

渠水經注比水又南趙醴二渠出焉則此名久矣三

十里博望驛尖南陽界有公館可住張騫封邑十五

里夏向鋪十五里北新店宿小店南陽地今日酷熱

初五日十五里許家坊十五里宛城驛早尖距南陽城

八里遙望西北卧龍岡懋傳武侯故居然高卧隆中

在襄陽不在此也行三十里三十里屯茶尖過唐府

重修通濟橋潁河行河名白河風帆絡繹直到湖南

南岸皆水勢衝激墮入河內壞腴田數百頃至今岸

土酥裂行人步履須慎河故道成於沙不可種植而

可種田頻年陷沒此時不加以堤坊木石之固將來

伊于胡底也宿瓦店林水驛南陽延驛食宿俱劣與夫尤不堪用回時須另打算白河即清水也一名唐河瓦店鄧禹劉志遠故里是日也包馬化為驛

初六日十里貴人鄉光武故里門臨白河故曰白水真人五十里新野縣尖地屬古謝邑申伯番番既入于謝是也因酷暑避正午炎曦申刻始行二十里渡白河一名唐河即清水也又五里渡白河五里宿南新店仍新野地自出京以來惟昨日今日酷熱之極住處四面無樹圭竇華門熱甚通夕不能寐

初七日十里入湖北界三十里呂堰驛尖襄陽縣地古鄧子國有偃城雲長圍樊遣兵屯偃城徐晃自宛赴

教詭道欲絕其後遂得偃城即此三十里葉家店茶尖十里桐樹塘二里渡新河十八里抵樊城仲山甫封邑所宿店名高陞即甲申秋自蜀來京在此聘二妹之處也十年光景歷歷在目周覽之餘不覺觸物傷懷感慨係之有天后宮大刹予舊遊之地

初八日因換車為楨擔留住一日與襄陽縣借轎杆寄四號家信

初九日渡漢江而南約三里許入府城小北門漢皋樓鄭交甫遇神女解佩於此出南門城內有古昭明臺五里登峴山有羊杜祠即羊叔子登眺處今有碑題江山留勝跡又有隸書碑不暇讀紫蓋山萬山峴山

謂之三峴以此為首故又稱峴首西為鹿門山龐德公孟浩然所從游隱也稍西有白沙洲鄢注謂龐公與士元居其陰司馬德操居其陽望衡對宇歡情自接者矣西即檀溪溪之陽為徐元直崔州平故居習鑿齒與謝安書云縱目檀溪念崔徐之交是也又西即萬山一名方山水經注沔水逕隆中歷孔明舊宅北又東逕萬山縣左有唐漢陽王張柬之故園南有習家池又有碣題王叔和墓野誌于南門底關即昭關二十里獨樹塘二十里歐家塘十里小河尖三十里宿宜城縣縣古鄧子國楚滅之以為別都名鄧鄧先主初封宜城亭侯即此宋玉王逸馬氏五常段文昌

父子皆邑人宜城荒城廢署公館陋劣頽壞時有壓覆之懼諸山名勝之區古名士多遺蹟然皆土岡無甚奇特惟鹿門山頂有石可觀而峴首猶早自江北望之則秀色蒼顏翠螺如畫或其中別有妙境未到不可知也東坡詩不識廬山真面目只緣身在此山中良然

初十日早行見趙蝗者縛布插竹往來田間人執一旂以行湖北境內與豫省懸絕亢旱禾黍乾枯此地尤甚自四月雨後至今未見甘霖苗之僅存者又為蝗所蝟食則何以望歲收乎宜乎婦子奔命于田間也蝗初生翅尚不能遠飛數日南風甚大翅超然自南

而北出宜城縣南界則無矣哀哉宜城窮苦之地何閻帝廟即昔日帥府有謝甲台又仲宣樓孟嘉落帽台獨受此荼毒乎四十里新店尖仍屬宜城地五十里麗陽駒宿屬鍾祥縣到公館甚早書扇十柄麗陽北二十里快活舖真快活也行者自領之駒東去縣一百二十里有巡檢駐此

十一日斑竹舖二十里東鄉關十里桐樹舖即唐人陳子昂晚次處十里石橋驛尖屬荊門直隸州地有石橋一因名然橋已圯僅餘一孔不可行二十里白樟舖十里南橋茶尖十里子陵舖二十里荊門州州牧劉琴郊迎館于署之中堂酒筵甚盛綠龍泉書院公館有前收眷屬居之未閑也臨行又送點心二匣出

城西南有龍山寺予甲申秋落帆於此在城南堤上眺望未入城今復過門不入不能覽古蹟殊覺悵然湖北一路枯旱禾苗盡死今見田婦戴青笠赤足偻倭田中舉瓶灌漑甚覺辛苦與中戲占一絕云笠子團團白紙緣赤跌婦女自開田藍縷本是荆襄俗華路山林續舊傳蓋紀寔也廣輿記云仲宣樓在襄陽府城東王桀依劉表於此非荊州也在荊州者本五代時望沙樓陳亮咨改今名

十四日辰刻行五里龍山山非山也坡也荊州四面無山故桓孟登高在此二里渡江午後方登岸行三十

郊親送一路所屬地皆差人備茶饗賢主人豈可多得哉荊門居群山之中萬峰環抱山雖不陡峻頗有形勢所謂群山萬壑赴荊門也象山在西門外陸九淵講學於此因以為歸聞此處景甚清惜未之見俟回時當必遊之

十二日五里鳳鳴關大坡二十里麥城馬跑泉掇刀石

二十里園林舖尖二十里新店茶尖三十里建陽駒

宿小店建檢劉德輝親接

十三日辰行二十里十里舖茶尖二十里四方舖早尖均小店十五里花栗舖十五里寒林舖十五里十里舖十里荊州府循北門城垣而行西門外店內住

里屏陵駒宿屬公安縣漢屏陵地劉元德為左公居此號公安自松滋堤決此地被水者五年俱為澤國驛站皆撤改由水路自江陵至湖南常德府上岸今年水災免矣而旱蝗交厲居民逃亡畧盡一片荒涼半成瓦礫惟新結茅屋數家守殘稼而已公館亦新蓋者蚊患寢甚水濁苦

十五日行三十里過南平橋渡船十五里宿公安縣自京至雲南省此為適中地今日抵公館蚤極出京以來未之有也城內南平書院按公安本屬湖南澧州在晉為南平秦黔中地也

十六日早行二十里過渡二十里章莊舖尖十五里黃

塚鋪五里關山頂塘為湖南北分界處一路山岡松樹甚多通嶺皆青翠濤滿眼居民結茆其下時有竹林出槿籬中構松茶為棚皆有山野之趣二十里宿順林駒屬澧州蚊風更盛

十七日十里泮河鋪十里合同鋪十里茶尖十里新店十八里澧陽橋橋北即車武子囊螢處循澧人後桓溫引為博士每張宴筵必與馬曰坐無車公不樂累遷吏部尚書今地名螢渚有車渚書院入襟繡門為澧州北城地有繡水旋折如繡水范文正公曾將此宿考棚內甚寬敞楚詞沅芷澧蘭今蘭江又名佩浦前屬岳州今為直隸州明月池李群玉將息之所如

溪楚莊辛說莊王飲如溪之流即此夜熱甚不寐露坐至三更方寢馬觀察光潤饋西水梨

十八日出城過多安橋循河行十里渡蘭江即澧水也色澄碧可愛十里新渡又渡蘭江十五里茶尖十里五泉鋪二十五里清化駒宿

同富是河

十九日早飯後行二十里塔谿鋪二十里鰲山鋪入武陵界十里柿子鋪二十里大龍驛宿驛在山環抱中舍有小軒一楹頗幽敞開牕面山宛然圖畫植雙桂樹許紹宗題曰雙桂軒聯云月窟分形應有種天香顧影本無雙余暑天住此願而樂之亦擬一聯云幽蘭引我懷高士叢桂留人望小山題牕縫中

二十日早飯後行盡山坡上下不高連日行旱田中熱風撲面今潁河行見洋洋江水甚樂田中有插晚稻者猶得水利然楚地兩月無雨不可恃也六十里宿常德府常德夏荊州城高周為寶藝所居春秋屬楚秦曰黔中漢武陵又曰義陵以項羽執義帝武陵人縞素而哭漢高義之故名義陵梁山府城北舊名陽山圖經云陽山之女雲夢之神嘗以夏首秋分獻魚今西門樓有額曰梁峰毓秀城西有廬山東南有枉山善卷之所居也武陵溪在城西武山下浩然詩水迴青嶂合雲度綠溪陰即此又有朗水自辰州流至此謂之朗江沅水在城南枉者源出枉山楚辭朝發

枉山即此梁曰武州曰沅州隋唐曰朗州宋以龍陽得神鼎改名鼎州

二十一日二十里何伏山山水秀麗土人云山中空虛皆伏水善涸者入山可得巨魚山脚有寺匾曰翰墨流香不知何人名跡疑即浩然題詩處十里陬市塘尖屬桃源地過七里一名呂鎮渡三十里延溪渡小渡二十四里宿桃源縣未刻按察宇記延溪拓樹嘗鳥集其上枝偶折則群鳥號嘯不已土人取其枝為弓名曰鳥號

二十二日二十里山路白馬渡過河沿河而上十里聞有桃源洞即避秦處惜未見二十里同仁鋪過水溪

沈溪小渡二道二十里宿鄭家駟今日始入山矣然尚不甚險

二十三日山行多危橋跨澗依山脚樹下行溪流潺潺山氣侵袂二十里羯羊鋪二十里長板鋪二十里新店驛宿

二十四日銜雨行二十里雨甚太平鋪少避山路皆沙石不陡峻雨中亦易行自前六月晦日雨後至今始見雨火雲赤日酷熱難堪不惟農望甚殷即行人亦甘受淋漓之苦南蠻之熱北人不堪也二十里寧鄉鋪十五里官庄十里界亭驛宿屬辰州府沅陵縣地有伏波祠馬新息征五溪蠻駐師於此前代皆蠻人

居今則用夏變夷矣此處產茶甚佳充歲貢距驛五里有山曰神龍閣當驛路昔吳三桂叛時據此谷我師不能入有土人項氏自別徑導師而前遂克捷至今項氏永免徭役

二十五日行十二里清捷塘疑因大兵克捷而名十里馬鞍塘十五里獅子塘遇陣雨十五里楊保塘十五里馬底驛宿今日山比昨日高大然路寬不甚險山中居民男多秀美白皙即與夫牧豎皆不脩姦而女特頑劣豈山水之氣偏有所鍾歟人多病目而瞽者十之二三

二十六日十二里白霧鋪十二里松溪鋪山極高雨極七月初一日十里小田鋪十里石門鋪十里板橋塘榆樹

大十里淘飯鋪十二里灰密鋪雨止八里長田塘路旁有碑題天助張公殺虎石七字旁小字難辨十三里辰陽驛宿隔水沅陵縣今日繹夫十名山更高二十七日夜大雨曉行十里苦藤鋪十五里清水鋪十里仰溪鋪過渡後遇雨頗涼十里麻溪鋪十里洋溪鋪十里狗尾鋪十五里船溪驛今日無大坡而路平濶惟數數逢雨耳

二十八日十里散水鋪十里乾溪塘十里十里鋪十里辰溪縣失縣治在山上臨溪溪南通鎮竿東湖鎮遠西通辰州為三义路辰谿為五溪之一志謂雄溪揣溪面溪沅溪辰溪也按水經注五溪在武陵今地志

在盧溪源出武山蓋五溪之水源皆出於武陵也馬援征五溪蠻即此又有武溪新息和歌所云滔滔武溪一何深者也重岡複嶺溪峒連絡溪名亦甚多五城山楚威王使莊蹻定黔中因山築城今辰溪地渡溪而南十里石碑塘十里寒岡塘十里山塘驛宿

二十九日十三里寺前鋪十三里小龍門十三里中伙鋪在留雲寺茶尖過龍門溪有石橋跨之山壁刻四大字曰龍門溪橋志稱龍門澗接麻陽界巖石峭峻澗深流長乃龍窟也十七里大山頂塘七里白牛鋪十三里懷化驛宿芷江縣地此站窳大